

129

QH 385

Judicium Gregorii Richteri Gorlicii,

Ministri Ecclesiæ patriæ
primarii,

de

Fanaticis Sutoris Enthusiaſtici
Libris:

quorum tituli sunt

1. Morgen Röthe im Aufgange.
2. Der Weg zu Christo.
3. Von wahrer Busse &c.

ad

avertendas sinistras de Ministerio
Gorlicensis suspiciones.

— os (*) 60 —

GORLICII

Johannes Rhamba excudebat. An. 1624.

R.

Novæ phrases novos plerunq; pariunt
errores, novas dissensiones &
nova certamina.

Hinc

Ut scopulum in mari, dicebat ille,
sic vitatum se insolens
verbum.





I.



*Uot continentur lineæ: blasphemiae
Tot continentur in libro Sutorio.
Quin nil, nisi picem redolet Sutoriam,
Atrum & colorem, quem vocant Sutorium.
Pfuy, pfuy, teter sit fætor à nobis procul.*

*Gravissimæ pœnæ locis his imminent:
Impunè ubi feruntur hæ blasphemiae:
Impunè ubi feruntur hæ blasphemiae:
Impunè ubi creduntur hæ blasphemiae:
Impunè ubi, quicquid lubet, fas fingere:
Impunè ubi, quicquid lubet, fas scribere:
Impunè ubi, quicquid lubet, fas spargere:
Impunè ubi, quicquid lubet, fas credere.
Nam vindicabit gloriam suam Deus
Miraculosè: æternitatem nec sibi
Suam eripi patietur à fanaticis
Sutoribus, cerdonibus, sartoribus,
Uxoribus, Pastoribus, Doctoribus.
Tam pestilens non virus Arrii fuit,
Æternitatem qui negavit Filii:
Quàm pestilensest virus hoc Sutorium,
Æternitatem quod Patri æterno eripit:*

A ij

Qua-

Quaternitatem & ore blasphemō astruit.
Eous orbis Arrii ob virus luit
Pœnas adbuc, caligine Mahometicâ
Oppressus: & nos quæ manebunt cœlitùs
Pœnæ? nisi severitate debitâ
Pestem procul hanc à Patria fugabimus,
Raditusq; & funditus extirpabimus.

* *

Evigila tandem, evigila, justissime Iudex:
Et majestatem, quæso, tuere D E I.

Anno 1623. d. 7. Mart.

I I.

Sutor Antichristus.

Verus sermomeus, dixti, mitissime C H R I S T E:
Verus sermomeus, perfide Sutor, aie.
Utria adhibenda fides? tibi, veracissime C H R I S T E?
An tibi Sutori, stercoribusq; tuis?
C H R I S T E, oleo te præconsortibus omnibus unxit
Spiritus, & M y s t æ jussit obire vices:
Immundo Satanas sed te fadavit oleto,
Sutor, & Hæretici jussit obire vices.
C H R I S T U s terrigenas docuit cœlestia jussas:
Iste pari Raptus sedulitate docet.

Ad

Ad Verbum duxit nos & Mysteria CHRISTUS:
Quæ verâ capiunt credula corda fide,
Ad Raptus dicit subitos & somnia Sutor:
Quæ verâ spoliant credula corda fide.
Seria tractavit CHRISTUS: sed ludicra Sutor.
Fastidit CHRISTUS, Sutor at ambit, opes.
Sobrius & vitæ traduxit tempora CHRISTUS:
At Sutor plerumq; ebrius esse solet.
Abstinuit CHRISTUS risu, stultisq; cachinnis:
Cum risu, Sutor, quæ loquitur, loquitur.
CHISTUS, cùm docuit populum, loca publica adivit:
Sutor in obscuris clàm solet esse locis.
Non voluit CHRISTUS sibi sumere Regis honorem:
Sutor, si posset, Rex foret atq; Deus.
Non cupiit titulos & inania nomina CHRISTUS:
At Sutor titulis gaudet ovatq; suis.
Nomine contentus CHRISTUS fuit ipse Magistri:
Hic Doctor dici vultq; Propheta novus.
CHISTUS aquam vita sitiendi præbuit ori:
At Sutor mortis manè frequentat aquam.
Et vinum simplex CHRISTUS babit atq; salubre:
Extera Sutori vinaq; adusta placent.
Ex his Sutorem, velut ipso ex ungue Leonem,
Si noris, Libros illius anné leges?
Hos fuge, ceu Satanæ crepitum, extremumq; furorem;
Incedens Verbi simpliciore viâ:

A ij

Disci-

*Discipulumq; ejus, quisquis sit, Nobilis, aut sit
Doctor, seu Sartor, Vir Muliervē, cave.
Organa, CHRISTE DEUS, Satanæ confunde, retunde:
Verbum obscurari nec patiāre tuum.*

An. Christi 1624.
d. 26. Mart.

III.

Προπεμπτιδν.

GORLICUM tandem te, Sutor, pellit ab Urbe:
Et jubet ire illac, quā tua scripta valent.
I properè, i procul hinc, blasphemum os atq; scelestum:
Qualia temaneant, experiēre miser.
Oedipus es veluti, quem terræ absorpsit biatus:
Ne similis maneat te quoq; pœna, cave.
Hujus enim nocuit quondam ipsa astantibus umbra:
Et tua, crede mibi, pluribus umbra nocet.
Cerinthum haētenus & blasphemō imitatus es ore,
Nil nisi mira coquens, nil nisi dira vomens.
Dum lavat hic, impura facit convicia CHRISTO:
Et furit in verum garrulitate Deum.
Collapsæ bunc oppresserunt divinitus ædes:
Sicq; perit Doctor, Discipulusq; perit.
Nostram incestarunt Urbem tua stercora, Sutor:
O abeant tecum qui tua scripta probant!
Elysias etiam fœdasti dogmate terras:
Ist hic te excipiet, sat scio, turba virūm:

Q*i*

Qui quantum reliquis antiquo stemmate præstant:

Tantum aliis præeunt hac novitate suâ.

Vos autem, illius Socii, vigilate, cavete:

Ne tanti pereant entheas scripta Viri.

(scilicet)

Ergo abeas, nunquam redeas, pereas malè, Sutor:

Calceus in manibus sit tibi, non calamus.

D. 27. Mart. 1624.

*Nullus error tam est absurdus: qui non
habeat suos applausores.*

*Parvus error in principio, sæpè ma-
ximus fit in fine.*

*Semper eadem in mundo agitur fabula,
mutatis duntaxat temporibus,
locis & personis.*

*Videantur historia Annorum
1525. & 1535. &c.*

Oberlausitzische Bibl. Görlitz



1005324 9